


BOSNA I HERCEGOVINA
FEDERACIJA BOSNE I HERCEGOVINE
KOMISIJA ZA VRIJEDNOSNE PAPIRE
FEDERACIJE BOSNE I HERCEGOVINE
Broj: 03/4-19-135/26
Sarajevo, 30.07.2026. godine



Komisija za vrijednosne papire Federacije Bosne i Hercegovine na osnovu člana 41. stav 1. Zakona o tržištu vrijednosnih papira ("Službene novine Federacije BiH", 85/08, 109/12, 86/15 i 25/17), člana 10. i 11. a u vezi sa članom 12. Zakona o Komisiji za vrijednosne papire („Službene novine Federacije BiH“, 39/98, 36/99, 33/04, 92/13 i 6/17), člana 9. Pravilnika o emisiji vrijednosnih papira („Službene novine Federacije BiH“, 18/09, 18/10, 112/12 i 103/14) i člana 15. Pravilnika o načinu upisa i vođenja registra emitenata vrijednosnih papira kod Komisije za vrijednosne papire Federacije BiH ("Službene novine Federacije BiH", 49/99, 4/05, 18/08, 8/09), rješavajući po zahtjevu Mikrokreditno društvo "PARTNER" društvo sa ograničenom odgovornošću Tuzla u predmetu odobrenja druge emisije zelenih obveznica javnom ponudom putem Sarajevske berze-burze vrijednosnih papira d.d. Sarajevo, na svojoj 226. sjednici održanoj 30.07.2026. godine donosi

R J E Š E N J E

1. Odobrava se druga emisija zelenih obveznica javnom ponudom putem berze emitentu Mikrokreditno društvo "PARTNER" društvo sa ograničenom odgovornošću Tuzla.
2. Podaci o vrijednosnim papirima koji su predmet emisije – obveznicama:
 - Nominalna vrijednost ukupne emisije iznosi: 5.000.000,00 KM;
 - Nominalna vrijednost obveznice: 1.000,00 KM;
 - Broj obveznica: 5.000 obveznica;
 - Prodajna cijena obveznica: po metodu preovlađujuće cijene s početnom cijenom od 1.000,00 KM;
 - Obveznice dospijevaju u roku od 4 godine, s tim da će se isplata kamate vršiti godišnje dok će isplata glavnice biti izvršena jednokratno, po dospijeću.
 - Obveznice nose prinos na glavicu po fiksnoj kamatnoj stopi od 5,00% godišnje.
3. Podaci o emisiji:
 - Upis i uplata vrši se u periodu od 14.09.2026 do 30.10.2026 godine;
 - Uspješnost emisije: upis i uplata najmanje 60% ukupnog broja ponuđenih vrijednosnih papira.
4. Berza putem koje će biti vršena predmetna emisija je Sarajevska berza-burza vrijednosnih papira d.d. Sarajevo.
5. Banka depozitar u emisiji je ASA Banka d.d. Sarajevo.
6. Banka depozitar iz tačke 8. dispozitiva ovog rješenja je dužna Komisiji i emitentu dostaviti pismeni izvještaj o broju upisanih i uplaćenih vrijednosnih papira, shodno članu 40. stav 2. Zakona o tržištu vrijednosnih papira.
7. Registarski listovi broj 2-1 i 2-2 nalaze se uz ovo Rješenje i čine njegov sastavni dio.
8. Registarski broj upisa: 01-802-8066

O b r a z l o ž e n j e

Komisiji za vrijednosne papire Federacije BiH se dana 19.06.2026. godine obratilo Mikrokreditno društvo "PARTNER" društvo sa ograničenom odgovornošću Tuzla zahtjevom za odobrenje emisije obveznica javnom ponudom putem berze. Uz zahtjev je dostavljena slijedeća dokumentacija: prijava za upis u Registar emitenata; Odluka o drugoj emisiji zelenih obveznica javnom ponudom putem

Sarajevske berze-burze vrijednosnih papira broj: 01-4-1/26 od 12.05.2026. godine; Zapisnik sa osnivačke skupštine Mikrokreditnog društva "PARTNER" društvo sa ograničenom odgovornošću Tuzla broj: 01-5-1/23 12.05.2026 godine; Zapisnik sa 3. redovne sjednice skupštine Mikrokreditnog društva "PARTNER" društvo sa ograničenom odgovornošću Tuzla broj: 01-5-1/26 od 12.05.2026 godine; Prospekt druge emisije zelenih obveznica (potpisan od strane svih članova nadzornog odbora i uprave društva); Ugovor o obavljanju poslova depozitara u emisiji obveznica javnom ponudom putem berze i otvaranju namjenskog računa zaključen sa ASA Banka d.d. Sarajevo dana 05.06.2026. godine; Ugovor o vršenju poslova registriranja, čuvanja i održavanja podataka o vrijednosnim papirima zaključen sa Registrom vrijednosnih papira u Federaciji BiH d.d. Sarajevo dana 12.09.2025. godine; Statut Mikrokreditnog društva "PARTNER" društvo sa ograničenom odgovornošću Tuzla (prečišćeni tekst) broj: 01-15-3/24 od 22.08.2024. godine; Odluka o imenovanju Nadzornog odbora od 12.01.2023. godine; Rješenje o izmjenama podataka Općinskog suda u Tuzli broj: 032-0-Reg-26-000419 od 25.05.2026. godine; Godišnji izvještaj Mikrokreditnog društva "PARTNER" društvo sa ograničenom odgovornošću Tuzla za godinu koja je završila 31. decembra 2025. godine; Izvještaj nezavisnog revizora "Ernst & Young" d.o.o. Sarajevo o reviziji finansijskih izvještaja "Partner" MKD d.o.o. za 2025. godinu; dokaz o uplati naknade Komisiji.

Iz dostavljene dokumentacije proizlazi da je Skupština Mikrokreditnog društva "PARTNER" društvo sa ograničenom odgovornošću Tuzla na sjednici održanoj 12.05.2026 godine donijela Odluku o drugoj emisiji zelenih obveznica javnom ponudom putem Sarajevske berze-burze vrijednosnih papira. Na skupštini je bio zastupljen jedini udjeličar društva, što znači da je odluka donesena sa 100% prava glasa.

Shodno navedenoj odluci i dostavljenom Prospektu, društvo emituje ukupno 5.000 obveznica, nominalne vrijednosti 1.000,00 KM, odnosno ukupna vrijednost emisije iznosi 5.000.000,00 KM. Obveznice dospijevaju u roku od 4 godine i nose prinos na glavicu po fiksnoj kamatnoj stopi od 5,00% godišnje, s tim da će se isplata kamate vršiti godišnje dok će isplata glavnice biti izvršena jednokratno, po dospijeću.

Upis i uplata obveznica će trajati u periodu od 14.09.2026 do 30.10.2026 godine i vrši se kod profesionalnih posrednika davanjem naloga za kupovinu. Izvršenim upisom smatra se unošenje naloga u berzanski sistem trgovanja ukoliko sistem primi takav nalog. Prodajni nalog će biti unesen po nominalnoj vrijednosti odnosno po cijeni od 1.000,00 KM. Prodajna cijena obveznice će biti utvrđena na berzi, metodom preovlađujuće cijene.

Emisija se smatra uspjelom upisom i uplatom najmanje 60% ukupnog broja ponuđenih vrijednosnih papira, odnosno upisom i uplatom najmanje 3.000 obveznica. Banka depozitar u emisiji je ASA Banka d.d. Sarajevo.

Osnovni kapital emitenta iznosi 31.533.782,46 KM i sastoji se od kapitala u novcu od 10.000.000,00 KM, kapitala u pravima od 19.599.620,46 KM i kapitala u stvarima od 1.934.162,00 KM. Ukupni kapital na dan 31.12.2025. godine iznosi 33.579.603,00 KM. Za period od 27. januara do 31. decembra 2023. godine, "Partner" MKD d.o.o. je ostvarilo gubitak u iznosu od 888.126,00 KM, dok je u 2024. godini društvo poslovalo sa dobitkom u iznosu od 1.156.547,00 KM. U 2025. godini društvo je ostvarilo dobit u iznosu od 1.822.039,00 KM.

Društvo se zadužuje emisijom obveznica radi obezbjeđenja finansijskih sredstava za redovno poslovanje, tako što će se sva prikupljena sredstva usmjeriti na odobravanje mikrokredita namjenjenih za finansiranje mjera kojima se postiže ušteda primarne energije i/ili smanjenje emisije CO₂. Zelena

obveznica instrument je s fiksnim prinosom osmišljen za potporu klimatskim ili okolišnim projektima.

Imajući u vidu da su ispunjeni uvjeti za odobrenje emisije propisani odredbama člana 24., 25., 26. i 29. Zakona o tržištu vrijednosnih papira, kao i odredbama Pravilnika o emisiji vrijednosnih papira, Komisija je odlučila kao u dispozitivu.

Komisija za vrijednosne papire Federacije Bosne i Hercegovine je odobrila emisiju obveznica javnom ponudom putem berze na osnovu zahtjeva i dostavljene dokumentacije koja je u skladu sa Zakonom o tržištu vrijednosnih papira i drugim propisima, posebno imajući u vidu da prospekt sadrži sve elemente propisane članom 32. i 34. Zakona o tržištu vrijednosnih papira i općim aktima Komisije.

Komisija ne odgovara za istinitost podataka koji su bili osnov za donošenje rješenja kojim se odobrava predmetna emisija.

Pouka o pravnom lijeku:

Ovo rješenje je konačno u upravnom postupku i protiv njega nije dopuštena žalba, ali se može pokrenuti upravni spor. Upravni spor se pokreće tužbom kod Kantonalnog suda u Sarajevu u roku od 30 dana od dana prijema ovog rješenja.

Dostavljeno:

1. "Partner" MKD d.o.o., 15. maja bb, Tuzla (x2);
2. ASA Banka d.d. Sarajevo;
3. Sarajevska berza - burza d.d. Sarajevo;
4. Registar vrijednosnih papira d.d. Sarajevo;
5. Evidencija;
6. Arhiva.



Predsjednik
Komisije za vrijednosne papire
Federacije Bosne i Hercegovine
Adnan Zukić
Adnan Zukić

